

重修通渭縣新志卷之二

天文 占驗氣
候附

保章載星土辨九州分野以察災祥易言觀乎天文以
察時變故凡風雨霜雹水火兵刑一切休咎之徵莫不
先露其倪示人以可見天事恆象其旨微矣志天文第

二節舊志

星野

井鬼分鶉首之次於辰在未

鞏志兼參秦志王井縣舊志雜引諸家之說而兼鬼

通渭縣新志

卷之二 天文

三

夫鬼居兩河之陽自漢中東盡華陽與鶉火相接當
地絡之東南據唐書天文志明明明厥星惟井矣但相
沿既久故仍舊志而附考於此以俟來者

占驗

井八星在河中主水衡法令所取平也王者用法平則
井宿明而端 鉞一星附井前主斬淫奢 南北二河
各三星搖動及火守主兵起聚則路通 四瀆四星江
淮河濟之精也明大則水溢 水位四星主水衡若客
星水火守犯或彗孛星犯皆大水 天樽三星主給貧

餒暗欵明豐 五諸侯五星主治陰陽察得失明大潤

澤天下治 積水一星在北河之西主候水澤不見災

積薪一星在積水東備庖廚之用明則人主康火守

旱 水府四星水官也 占與水 位同 關邱天子雙闕諸侯兩

觀也 軍市十三星 西志 十星 天軍貿易之市中星衆則軍

餘糧 野雞一星主變怪 狼一星爲野將主殺掠搖

動兵起移處人相食色宜黃白忌黑赤 弧矢九星天

弓也弦滿天下兵起常束矢以向狼 丈人二星主壽

考 子星二 孫星二皆列丈人側不見災 老人一

通渭縣新志 卷之二 天文 三

星一名南極見則治平壽昌

鬼四星天目也主觀察奸謀爲日月五星之中道東北

星主積馬東南星主積兵西南星主積布帛西北星主

積金玉明大則穀成 積尸氣一星主祀祠暗吉明凶

燿四星主烽火備警急 天狗七星主守財移徙則

兵起 天社六星在弧矢南主平水土明則吉 天紀


一星在外廚南主禽獸金火守禽獸多尺

氣候

邑屬鞏郡卽漢涼州地春暖恆遲秋涼偏旱百穀草木

之耕獲榮枯多於月令不符驚蟄後始治糞土修耒耜將有事於田疇小暑時東南登麥西北至立秋猶有未熟者立冬後野無遺禾場功卽起終歲勤苦尤患霜雹霜隕於四月殺青苗隕於七月殺秋稼惟三冬寒甚且多雪乃免此患麥將黃而雨則秕蕎已種而雨則薄俗謂正月二十五日風夏成五月二十六日雨秋稔雙日雌甲子雨必潦四月初一二日雨麥有黃青農夫占驗類如此云

井宿圖



通渭縣新志

卷之二




天文

三

井宿圖考

步天歌云八星橫列河中淨一星名鉞井邊安兩河
 各三南北正天樽三星井上頭樽上橫列五諸侯侯
 上北河西積水欲覓積薪東畔是鉞下四星名水府
 水位東邊四星序四瀆橫列南河裏南河下頭是軍
 市軍市團圓十三星中有一箇野雞精孫子丈人市
 下列各立兩星從東說闕邱兩星橫河中邱下一狼
 光蒙葺左畔九箇彎弧弓一矢擬射頑狼胸有箇老
 人南極中春秋出見壽無窮

鬼宿圖



天紀

通渭縣新志

卷之二 天文

三

鬼宿圖考

步天歌云四星册方似木櫃中央白者積尸氣鬼上
四星是燿位天狗七星鬼下是外廚六間柳星次天
社六星弧東倚社東一星名天紀